



Broj: 05/1-50-19-303-2/11
Sarajevo, 11.7.2011.

ZABILJEŠKA

sa sastanka članova Nezavisnog odbora kao nezavisnog tijela policijske strukture BiH s direktorom Granične policije BiH

Sastanak je održan 11.7.2011., s početkom u 11 sati, u prostorijama Granične policije BiH u Sarajevu. Prisustvovali su: Vinko Dumančić, direktor Granične policije BiH, članovi Nezavisnog odbora: Zijad Kadić, Ljubomir Kuravica i Viktor Dadić, te Alma Salkić-Mijić, privremeni sekretar Nezavisnog odbora.

Direktor Granične policije BiH Vinko Dumančić upoznao je članove Nezavisnog odbora o aktuelnom stanju i planovima za budući rad Granične policije BiH.

Posebno je izdvojio problem usvajanja Izmjena i dopuna Pravilnika o unutrašnjoj organizaciji i sistematizaciji radnih mjesta Granične policije BiH, podsjećajući da se ovaj akt duže od godinu dana nalazi u proceduri u Vijeću ministara BiH. Izmjenama ovog akta predviđeno je sistematiziranje novih radnih mjesta s ciljem povećanja kvaliteta i efikasnosti rada, ali i usklađivanja s drugim aktima. Apelirao je na Nezavisni odbor da u skladu sa svojim ovlaštenjima skrene pažnju nadležnim institucijama na ovaj problem.

Također je upoznao članove Nezavisnog odbora da je u budžetu institucija BiH kroz kapitalne investicije u naredne tri godine planirano finansiranje izgradnje terenskih ureda u Čapljini, Bosanskom Grahovu i Gradišci.

Naglasio je da su izvještaji o reviziji finansijskog poslovanja Granične policije BiH uvijek pozitivni, što je još jedan dokaz uspješnog rukovođenja ovom agencijom.

Na kraju je istaknuo da nacionalna struktura zaposlenih u Graničnoj policiji BiH odgovara nacionalnoj strukturi stanovništva BiH prema popisu iz 1991. godine. Spomenuo je dobru saradnju sa zamjenikom direktora Enesom Gačanimom, ali i s rukovodiocima Direkcije za koordinaciju policijskih tijela BiH i Državne agencije za istrage i zaštitu.

Članovi Nezavisnog odbora istaknuli su kako će i dalje podržavati rad Granične policije BiH, uz naglasak da će kroz izvještaje o radu Odbora upoznati Parlamentarnu skupštinu BiH o aktivnostima Granične policije BiH.

Sastanak je završen u 12 sati.

Zabilješku sastavila
privremeni sekretar Nezavisnog odbora
Alma Salkić-Mijić